

دینی ، علمی ، ادبی و اجتماعی

محفل

جلد ۵ ۱۳۳۸ سنه ۵

مجمع التلاوة

شیمدیك عربی آیلری ابتداسنده نشر اولونور .

صارف ، مدیری ، محرری :

ربیع الاخر

۱۳۴۳



جزء

۵۴

شرائط تحریر: اسلامك نفعنه خادم یازیلر مع التشر قبول ونشر اولونور . یازانك شخصیتی دکل ، یازینك ماهیتی نظر دقته آ لینیر . کونده ریله جك آثار اوقوناقلی ومختصرجه یازیلش اولمالیدر . کلن یازیلردن شایان قبول کوروللر تاریخ صیراسیله درج ایدیلیر .

شرائط اشترای: هر سنه نك برنجی وایکنجی آلی آیلغندن اعتباراً آبونه قید اولونور . سنه لکی پوسته اجرتیله برابر : ۱۰۰ ، آلی آیلغی : ۵۰ غروشدر . ممالک اجنیه ایچین ۲۰ و ۱۰ غروش علاوه سی لازمدر .

محفل

۱۳۳۸

مجموعه سنك چکن سنه لره عائد وپك چوق معلومات مفیده یی حاوی اولان نسخه لری منتظماً دیکلیمش واوزه درلینه قالین بررقاق کچیرله رك مجلد کتاب حالته کثیرلشددر . خیرالانیس اولانیله جك بونقیس کتابلردن برنجیسنك موجودی بیتمش ، ۷-۱۲ نجی نسخه لری پراکنده اولارق قالمشدر . بهر نسخه سی ۱۰ غروشدر .

۳۴۲ و ۴۰۰ نجی جلدلرک بدلی ده پوسته اجرتیله برابر یوزر غروشدر . طوغرودن طوغرویه اداره خانه یه ۲۰۰ غروش کونده ریلدیکی صورتده هراوج جلدی یوللانیر .

نسخه سی ۱۰ غروشدر .

کدینک یرتیجی طیرناقلری اولدیغنی ، او صولو کوزلرک صولولق تمثالی بولوندیغنی ، یاخود او بر ایکی داملا یاشک یا کلش مجرادن چیقادیغنی درحال آکلایه جقدم .

عاشقانه گزینتیلرک نادمانه ازینتی واوزونتولری اولاجغنی ، آلمی اوپه جک ، آیاقلمی یالایاجق دوداقلرک پک آز زمان صوکرانم ایچین سب و شتم قاینانی حالی آلاچغنی دوشونه جک ، هله قالدیریم اوستنده باغلانان نکاح عقدهلرینک داها بال آیلری چیمادان محکمه حضورنده و حاکم قارشیسنده قوپاریلاچغنی تیقن ایله یه جکدم .

دردنجیسی : مسعود برعائله اوچاغنه دوشدیکم حالده زوجی عقیف وعائله سنه شفیق بولوندورمایه چالیشمق ، اونک سرورینه مشارک ، کدرنده غمکساری اولمق ، چوقولرمی باغریمه باصوب بالذات یه تشدیرمک ، اؤک اداره سنه نظارتله قادیلغنه عائد ایشلری کندیم کورمک ، یابانجی الله کیده جک پارالری ، اؤیمزک باشقه احتیاجنه صرف ایتمک ، خلاصه الک عالی معناسیله برأوقادین اولمق ، بوتون آمالی ویکانه اکلنجه نی تشکیل ایدیه جکدی .

بشنجیسی : قادین اولدیغنی ، کینوب قوشانمق قادیلغک حتی بولوندیغنی ده اونوتمایه جق ، لکن بو حقک استعمالنده بر تورک خانمی اولدیغنی اهل ایتیه جک ، تورکلکه عائد کینوب قوشانمای ، بر فرنک قاریسنک طرز تلبسنه اویدورمق تنزلی وشعار ملیتمک ترکی بایاغیلغنی قبول ایدیه مه یه جکدم .

اوت . بنمده بر مودام اولاجقدی و آرا صیرا ده کیشه جکدی . لکن اوروپاغنه تهرنده کی رسملره و مودیستره لک بول پاره آلمق ایچین یاپدقلری قارناوال قیافته بکزمه مه یه جکدی . اورتمکدن زیاده کوسترن واوروپاده بیله وقار نسویتی بیلن قادیلر طرفندن کیله مه یه اویچیم لباسلردن پک

باشقه کوروله جکدی . باشمی (خاراشو) ققاسنه ، بالدرلری طولومباجی باجغنه دوندورمه یه جک ، بر قادینک محرمنه بیله اظهار ایدیه مه یه جکی یرلرینی یابانجی و متجسس نظرلرک تدقیق و تماشاسی اوکنده تمامیه انطباع ایتدیرمه یه جکدی .

هله یاتارکن کیه جکم کوملک ایله اوطورورکن اکتسایده جکم انتاری وسوقاغه چیقارکن اورتو . نه جکم چارشافک ویا ماتونک هپسی آیری آیری اولاجقدی .

آلتنجیسی : کندی آلمله ییچوب دیکه جکم بو لباسی کورن هرتورک خانمی بگنه جک و تورک قادینی موداسی اولارق بلکه اوروپایه بیله کیده جک ، اورا قادیلرنجه ده تطبیق ایدیه جکدی . طبیعی بونک شرفی ده هم بکا ، همده اونک انتشارینه خدمت ایدیه جک - ملیتی تقدیرایدیر - خانم همشیره لیمه عائد اولاجقدی .

ایشته بن قادیلر اوله یدم دفعه خاطریمه کان بو یاریم دوزینه ماده لری موقع فعله قویاجقدم . فقط شونی عرض ایدیم که صایدقلم ناموس وعفت صاحبه سی اولوب ده موده وعصریلک اقتضاسی دییه یا کیلان خانلری اویاندیرمق ایچیندر . یوقسه مع الاسف تورک و مسلمان اسمنی طاشیدینی حالده میخانه لرده نعره ، بارلرده کوبک آتان ایل عالم ماسقاراسی وملتک یوزقاراسی مخلوقاته سوزم یوقدر . اونلرک درکهنه خیالاً بیله سقوطه تحمل ایدیه مه م .

فکری مخلص

حبشستانه دابر

ماضیسی ، حالی حقنده قیصه برتدقیق

۱

حبشستان بزجه تمامیه مجهول مملکتلردن بریدره . کندی اوزو طنمزک وارینی یوغنی بیلمه دکن و بیلیمکه ،

اولدینی سویلیور. حتی قرق سنه اولکی معلومات ایله شیمدیکی معلومات برچوق یرده تعارض ایدیور. چونکه: حبشستانه کیروب قاریش قاریش کزیمک قولای شی دکلدر. مملکت ابتدائی و بکر حالنده در. اوسته لک بیکرجه سنه لک عادتلرندن وازکچمیورلر. مملکت کیتدکجه یوکسه لن صارپ داغلردن متشکلدر، یول یوقدر. داغلر آراسنده کی کیزلی یوللری ایسه کندیلرندن باشقه لری بیلیمور، کیسه یه ده اوکره تمیورلر.

ده کیز یوزندن (۱۰۰۰) مترودن (۴۶۰۰) مترو یوکسکلکه قدر چیقان، تپه لری دائماً قارله اورتولو داغلرک صیرتی کونش آلتنده (۷۰) درجه حرارتده قاینایان قوراق ویالچین قایلردن ویا ایچنه انسان کیرمه یین بالطه کورمه مش اورمانلردن و بونلرک ایچنده جوشغون کوبوکلی ده لیشمن دره لر، نهرلر، شلاله لردن مرکب برده جنت ویا جهنمک خوری وزبانیلری: آرسلانلر، قاپلانلر، فیللر، کرکدانلر، یابانی اشکر، ییلانلر، مایمونلر و امثالی ایله، تورلو قوشلر الخ...

خلقتک حالایلیک دوره سنی یاشایان بوئولکه نک حالی بومرکزده ایمش. مع مافیه باشده شمندوفرله کیدیلن پای تخت اولقی اوزره برقاج شهری معمور ایمش.

برقیز قدر کورپه اولان بویله زنکین برمملکتی غرب مدنیلری فصل اولوب ده پایلاشامشار؟ بوپک عجایب کوزوکیورسه ده سببی آراشدیریلنجه میدانه چیقار. حبشستان حکمدار خاندانلرینک دینی اورتودوقس، یریوزنده اورتودوقسلغک حامیسی ایسه مقتول چارلق ایدی. چارلغک صرف معنوی حایه سی، بومملکتی دیگر دولتره شکار اولمقدن قورتارمشدر. هم حبشستانه اوتهدنبری یوتقونانلر البرینی اوزاتشار. فقط حبشستان کندینی یوتدیرمق

اوکره نمکه چالیشمادقن صوکره حبشستانی بیلیمه مک قصورمز، عادتا برثواب موقعنده قالیر. حبشستانک دور سعادت تاریخنده فصل مخصوصه، هم ده شانلی، شرفلی برفصله مالک اولماسی و بوکون اوراده دینداشلر مزک بولونماسی حسبیله حبش مملکتنه قارشلی لاقید قالمایمز لازم کایر. حال بوکه بیلیمورز؛ اوراده مسلمانلر نه حالده در؟ مملکت داخلنده وضعیتلری نه در؟ دیگر مدنی دولترک بویوندوروغی آلتنده ایکله یین و حاللری هکذا بزجه معلوم اولمایان دیگر دینداشلر مزک بدبختلغینیمی یاشیورلر؟ مسلمانلرک بربرندن خیری یوق. اورویایی، اوروپالیلری بیلیمورز، آرایورز، کوروپورز، حشرنشر اولیوزرده دین قارده شلر مزی تمامیه اونوتمش، عادتا زرد ایتش بولیمورز. مسلمان قوملر حقنده کی معلوماتمز طبقی اسکی زمان جغرافیا خریطه لری کی. فصل اولدن خریطه یی یالان یا ککش چیزدرلر، ساده ایچنده بولندقلری مملکتی کوبسترلر و دورت اطرافنده مجهولاتدن دورت اسم قویارلر. و بوتون دنیا خریطه ده معلوم اولان برقاج شهردن عبارت قالیرسه شیمدی بزم دین قارده شلر مز حقنده کی تلقیمزده بویله دکلیدر؟ اسلام قوملرینه، بوقوملرک یاشایشنه و عاداتنه الخ.. دائر معلوماتمز آراشدیرسه ق ساده مهیم و برشی افاده ایتمین مملکت، حتی قطعه اسملرندن باشقه برشی بولامایه جغز.

واقعا آوروپاده حبشستانی مکمل اوله رق بیلیمور، فقط اوکر نمکدن برآن بوش قالمیور. سیاحلر، علوم طبیعیه متخصصلری، تجار، وحشی حیوان آوجیلری و نهایت میسیونرلر؛ زمانلرینه قدر طوپلانان معلوماتی تصحیح و یا تکثیر ایدیورلر. غربک حبشستان حقنده کی معلومات نقصانلی، حبشستانک وضعیتنده کی تحفلدن ایلری کلکده

ایله اوصلا نمایانك حقى كوتكدرد دیمش و دیدیكنی
تطبیق ایتمش :

« بوتون عسکرلری خادم یا یمش ». مزعج
مسافرلر بوسفر آلاي والايله حدوده قدر تشیع
ایدلمش . چوقلری عملیات عقینده اوبر دنیایی
بویلا یارق حبشستانده قالمش لر و آنجق بویله لکه
حبشستانی، فقط ساده طوپراغنی فتح ایده بیلمش لر!
یاشایانلر ایسه بو کونه قدر آقده کیزك ایللق بر آداسنده
صوك کونلرینی کچیریورلر مش . حبشلیلرک اوزو پالیزه
یادینی بو « عزیزلك » هر حالده پك خوش برشی
اولش، همده یارامش .

چونکه: اوزماندنبری مسلح مسافرلرک، یا خود
یونان تعیریه سویلیه لم، (تنزه عسکری) لرك آردی
آراسی کسيلمش .

ینه دیگر بردولت حبشستانده نه اولوب نه
یتتور دیه بویوک رتبه لی بر ضابطی نجاشی یه هدیه
تقدیمه کونده رمش . هدیه ده اسکی سیستم بطل
برطوب، برده کندی کندینه چالان چالغی . هدیه لر
تقدیم اولونمش . ضابط حضوره قبول ایدلمش . هدیه لر دن
دولایي ممنون اولان نجاشی حضرتلری تشکیرینی
شو صورته اظهار ایلش :

« حکومتکزك کونده ردیکی هدیه لر دن صوك
درجه ممنونم . طوپی اسلحه عتیقه موزه مزه قویدق .
چالغی ایسه برقاج چوجفك اکلنجه سنی موجب
اولا جقدر . خاصة تشکر ایدرم . . . »

ضابط مملکتنه دوندیکی زمان اعاده حیثیت
ایچون استعفا ایتمش . شوایی وقعه کوستریورکه
ابتدائی قبیله حالنده اولمالرینه رغماً حبشلیلرک
باشنده کیلر عقللی و درایتلی کیمسه لر در .

رئیس مظهر

مابعدی وار

شویله دورسون ، قولای قولای یالاتماش بیله .
(مخفل) غیر سیاسی بر مجموعه اولدیغندن اسم تصریحنه
حاجت یوق . براور و یادولتی، بر جنرال قومانداسنده
(۱۸,۰۰۰) کیشیلک بر قوتی حبشستانک
کوزه لککرینی کورمکه ، هوا سنی تنفس ایتکه ،
صوینی، ایچمکه تنزه کونده رمش . حبشلر مسافر پرور
ایسه لرده مسلح طوپلی، توفکلی مسافر ایسته مه مشلر
مملکتک احوالی بر آزاو آ کلاتیلدی . یول ،
ایز بیلمه یین عسکرلر دالجه دالمش لر . نهایت حبشلر،
بونلرک ایجه صیقیشد قارینه امین اولونجه سوروسنی
بردن اسیر آلمش لر . فقط بو اون سکزیبک کیشینی
بسله مک حبشستانه کوچ کلش . مصرفدن
چکندکلرندن دکل . فقط نه یدیر سینلر ؟ حبش
عسکری و خلقی، چیک آتی پارچه پارچه طوز و قرمز
بیره باطروب یور و بویله یاشیور . (بوسیدن
دولایي هر حبشیلینک قارنده صولوجان وار مش .)
نجاشی ، بو اردوینی عفو ایتمش . کری یه
کونده رمش . ساده سر بست بیر اقامدن اول بردها کلوب
حبشستانه مسلط اولمایه جقلرینه دائر جنرال دن ناموس
اوزه رینه سوز آلمش . اوزون مدت کچمه دن نجاشی یه
خبر کلش : معهود جنرال قومانداسنده عینی دولتک
اردوسی هجوم ایدیور . عینی صورته ایکی دفعه
قاپانه طوتولق یونانلیر ویرکی دکل . بویله آ کلاشیلور
چونکه : جنرال جنابلری ، تکرار مسلح معیتله
وحشی و ابتدائی حبشلره اسیر اولمش . نجاشی
حضرتلری ده کندیسنه ویریلن سوزک طوتولما مسندن
حدت بویور مش

نصح ایله یوله کلمه نی ایتمه لی تکدیر

تکدیر ایله اوصلا نمایانك حقى كوتكدرد

دیمه یی وایشی تکدیره بو غارق اوزاتمای مناس
کورمه مش وقیصه جه ده عصری اولارق نصح